



Bentiaraq Ottosen

UPA 2026/102-1

Atassut

30. April 2026

**Kalaallit Nunaanni imartap killeqarfiata 3 s¸mil-iniit 12 s¸mil-imut annertusineqarsinnaaneraniq periarfissat misissorneqarnissaanik kiisalu tamatuma inatsisitigut, aningaasaqarnikkut inuussutissarsiornikkullu kingunerisassai pillugit nassuiaateqarnissaanik Naalakkersuisut peqquneqarnissaanik Inatsisartut aalajangiiffigisassaattut siunnersuut. Misissuineq Inatsisartut UPA2028-mut saqqummiunneqassapput.**

(Inatsisartunut ilaasortaq Jens Nap¸t¸K', Naleraq)

Kalaallit Nunaanni imartap killeqarfiata 3 s¸mil-iniit 12 s¸mil-imut annertusineqarsinnaaneraniq periarfissat pillugit siunnersuuteqartup qaqilerineranut Atassummiit qutsavigaarput.

Imartatta killeqarfia 3 s¸mil-iniit 12 s¸mil-imut annertusineqarsinnaanera Atassummiit oqaloqataaffigalugulu ineriartortitseqataaffigerusupparput, ilisimalluaratsigu periarfissat inuutissarsiortortatsinnut pitsaanerulernisaat aningaasarsiorfitsinnullu aamma atuumangaatiarnera nalilersuutinik annertuunik malitseqartussaamat. Periarfissat inuutissarsiornikkut kingunerisinnaasai pillugit Naalakkersuisut allannguutissatut siunnersuutaat Atassummiit taperserpagut.

Suulluuniit ineriartorfiusinnaasut Atassummiit suleqataaffigissallugit soqutigisaraarput, mianersorfigineqarsinnaasullu piviusorsioruutut isumaqataaffigaagut. Nunatsinni ineriartornerup malitsigisaanik inuutissarsiortut periarfissaat killilersorneqannginnissaat pingaaruteqarpoq, kisiannili annertuumik upalungaarsimanikkut piareersartariaqarnerput ersarissartariaqaripput kaamattuutigissavarput.

Ukiuni kingullerni nunarput avataaniit soqutigineqartupilussuuvoq, issittoq nunani pissaanilissuarnik soqutigineqarnerata ersersippaa nunatsinni uagut aamma nammineerluta ineriartorfigisinnaasagut tigullugit suliat aallartisassagut, tamanna Atassummiit assortoruminaatipparput.

Ullumikkut nunatsinni inuutissarsiornernerup aalisarnikkut ineriartortinnissaa pingaaruteqarpoq, taamaattumik oqaloqatigiissutiginnissaa pingaaruteqarpoq maannakkut killiffipput eqqarsaatigissagutsigu. Atassummiit pingaartissimavarput eqqartussallugu 3 s¸mil-iniit 12 s¸mil-imut ikaarsaarnerup suliat massakkut ingerlasut eqqarsaatigalugit Naalakkersuisut Nunanut allanut, sillimaniarnikkut, illersornissakkullu periusissiaat 2024-imit 2033-imut atuuttoq peqataaffigissallugu – Inatsisartuni partiinit tallimanit sisamanit tunuliaqutserneqartumik. Tamanna qulakkeerinninnermut siunissami nunatta upalungaarsimanikkut siuarsarnissaanut periarfissat atorineqartut eqqarsaatigalugit Atassut isummernissani tunuarsimaarfigingilaa.



Atassummiit eqqaangitsoorusunnngilarput Naalagaaffeqatigiinerup aqqani ineriartortitsinerit taamatut ittut aningaasaliinernik annertuunik imaqartut ineriartortittuarnissaanik kissaateqartarneq taperserlugu; soorlu assersuutigalugu ersarissumik Atassut attaveqaasersuutit pisariaqavissut atorlugit ineriartortitsinermi periarfissat atorluarnissaanut piumasaqarnissaq pingaarutilittut isigalugu.

Taamaattumik Atassummiit pingaaruteqartutut isigaarput upalungaarsimanermut attaveqaasersuutit pisariaqavissut pillugit ineriartortitsinissaq pinngitsoorneqarsinnaangitsoq. Qulakkeerinninnissarpullu tassuunatigut pingaartuuvoq suliat ingerlanneqarnerini tunngavigineqassasut attaveqaasersuinerimi pisariaqavissut (umiarsualiviit, mittarfiit, peqqinnissaqarfiit aamma digitaalimik attavilersuutit) malitsigisaanik erseqqarissumik siunertaqarluni ingerlanissaq.

Taama oqaaseqarluta Naalakkersuisut allannguutissatut siunnersuutaat taperserparput, Kalaallit Nunaat nunarsuarmi pineqartillugu ilaanissaa anguniarlugu.